

Laifstorie

In oktoeaber 1997 begóste Ron en Harrold inne meziekamer bie Ron heim veurzichtig, hieël veurzichtig, ane ieëste stepkes van 't orkes La Bamba, al woor de naam La Bamba doe nag neet gebaore. Leedjes van 't ieëste oer wore Beautiful Body van The Bellamy Brothers en de Walk of Life vanne Dire Straits. Dit ging netuurlik gepaard mit boekpien van 't lache. Mer good de ieëste stap richting buun woor gezatj.

Nao 'n paar maondj van allein mer zinge en midifiles bewërke waerde in 1998 'n drumstèl aangesjaf. Gebroekdje v'r in 't begin nag get biejein geraapdje bekkes, later in 't jaor waerde ouch hie get fetsuundeliks veur gekoch.

In juni 1998 hawwe veer oos ieëste optraeje op 'n familiefieeske in 'n graasj in Mofert. Veur de kat zien kut netuurlik. Oet dees graasj, die woor omgetoverd toet 'nne prachtige fieëszaal, kwame dus de ieëste offisjele La Bamba-klanke.

Veer kregen drek gooj reakties mer wiste netuurlik det dit pas 't begin woor van waat get sjoens zów kinne waere.



Dit kóste veer allein mer bereike door hieël vööl te oefene mer ouch door op te traetje veur pebliek. Veer benaderde get kefees inne buurt en vroge of v'r (taenge 'nne leuke pries, veur de kastelein denne!!!!) 'ns 'nne aovendj moogde kómme spele.

De meiste kefees reageerde positief en zoea waerde de ieëste boetedörpse optraejes inne agenda gesjreve. (Na ja agenda??!! V'r koste ze zoea ouch waal onthaje!!). Zoea kreeg 't oefene ouch mieër doel veur ós.

Vanaaf 't moment det veer ós inne kefees kóste laote huuere kwame de optraejes aanvlege (kósde jao bao niekshahahahaha)

V'r probeerde de leedjes, vanaaf 't begin al, altied mit 'n porsie humor en entoesjasme aan te kondige, en det waerde, gezeen de reakties, euver 't algemeen enorm gewaardeerd.

Vanaaf dit prille begin maakde veer ouch al gebroek van midifiles ómme meziek zoea ech meugelik te laote klinke.

De midifiles waerde 't ieëste óngerhallel jaor bewèrk door 'nne vrundj van ós dae dao waal get van kós. Begin 1999 sjafde veer zellef 'nne kompoeter en 'n leuke geluidsmoduul aan.

't veurdeil hievan woor det de files door de nuuj geluidsmoduul vööl baeter klonke en door det Ron zich 't bewërke vanne files eige haw gemaak kós dit netuurlik vööl sneller gebeure.

Waat ouch nag waerde aangesjaf woor 'n fetsuundelikke geluidsinstallasie.

Later waerde 'n lektries drumstèl aangesjaf óm 't geluidsnivo baeter ane winse van 't pebliek te kinne aanpasse.

Op 1 jannewarie 2006 zeen veer gestop mit aovendjvullende optraejes ómdet veer de bandjoptraejes gewuuen vööl en vööl leuker vónje.

Who the f..... is La Bamba ?

Ron Roemen is gebaore op 7-12-1968 in Mofert



Ron is instrukteur van het Fluit- en Tamboerkorps Schutterij St. Petrus & Paulus Susteren en van het Trommler-, Pfeifer- und Fanfarencorps Höngen e.V. Bij dees vereniging duit Ron ouch 'n deil vanne jeugopleidinge.

De grótste hobbie is ongetwiefeld meziek make mer ouch meziek loestere vinj ich fantaaaaaaasties, en den netuurlik neet te vergaete 't bedinke/sjrievie van nuje meziek (tekste/melodietjes) veur La Bamba en ouch veur mien anger bendje Bonanza.

Op spesjaal verzeuk sjrief ich ouch veur anger artieste mer det doon ich, en wil ich ouch, slechts sporadies blieve doon. 't arransjere van meziek veur fluit- en trómmelkorpse, same mèt de Bolle (jao inderdaad dae diekkop mèt dae piel veur det hót van Bonanza) vinj ich ouch waal leuk. Verder op ziene tied d'r 'n paar kloeke in mien stamkefeeke in Pötbroek (mèt hoofletter inderdaad) bij Ine vinj ich ouch "redelik leuk".

'nne hieële groeate hobby van mich is miene muzikale hóndj Bongo. 'nne Pyrenese berghondj. 't is trouwes neet dae hóndj waat op 't hoesje van Van baove nao ónger steit.

Mit Bongo is Ron dageliks in 't (sprookjes-) bós achter zien huske te vinje, lekker oetweyje. Ouch 'n ideaal gelaegenheid veur nuuj leedjes te bedinke, haet zich de lèste jaore beweze.

Gelökkig hób ich naeve Bongo ouch weer 'n hieël leuk vriendinneke ane haok weite te slaon en is de rös oppe kërrekwaeg weer eindelijk trök.

Det vriendinneke zów trouwes veur vas zeen..... volges Ron zellef uhum!!! Veer zeen benuudj deze kieër boahahahahahaha.....

Harrold Knobben, gebaore op 5-4-1970 in Mofert.



Ich wérrek inne boetedeens bij Novoferm.

Ouch ich höb unne hobby, en waal miene hondj Senna, 'n kruusing tösse 'nne doberman en 'nne mechelse herder. Dus geachte inbraekers; OPPASSE!!!!

En den netuurlik ut sporte: in mien kinjerjaore deej ich aan vollieje, foetballe, vèsse en fitnisse, ich woor neet kepot te kriege.

Veer (Ron, get vrunj en ich zei de gek) wolle uns get anges, karate ofzoeaget (Pentjak Silat sjient 't te zeen gewaes)

Jao leuk karate, lekker trappe en zoea. Veer reje mit 'n paar brommers nao de sportsjoel richting Ech mer nemes haw ut adres vanne sjoel bij zich.

Naodet v'r bekans 'nne tank benzien hawwe laeg gevare zeen v'r mer de kroeg ingedaoke, EINDE sportsjoel.....PROOS. Det woor nag 'ns 'nne tied en noe???

Aangezeen ich toch weer get aan mien kondisie mos gaon doen bön ich mer gaon darte. Es ich nag get tied euver höb doen ich nag 'n bietje aan sjwarma, sjinees en grieks.